

Na osnovu člana 72. Zakona o javnim nabavkama („Službeni glasnik BiH“ broj: 39/14) zaključuje se slijedeći:

U G O V O R

o javnoj nabavci radova

UGOVORNE STRANE:

JU SREDNJA EKONOMSKA ŠKOLA, SARAJEVO, ulica: Zmaja od Bosne br. 39, Sarajevo, ID broj: 4200682720003, koju zastupa direktorica škole Kadrispahić Amira, (u daljem tekstu: **Naručilac**).

i

„BAHEN-GRADNJA“ d.o.o. Sarajevo, ulica: Senada Poturka Senčija br.131, Sarajevo, ID broj: 4200509260005, koju zastupa direktor Bujak Semir (u daljem tekstu: **Izvršilac**).

I PREDMET UGOVORA

Član 1.

Predmet ovog Ugovora je nabavka, transport i nanošenje sloja hladnog premaza bitulita na vertikalne površine, te izrada horizontalne hidroizolacije u jednom sloju na dijelu krova na objektu JU Srednja ekonomska škola, Sarajevo površine 220 m², za što je proveden postupak direktnog postupka javne nabavke.

Ponuda izvođača radova, sa predmjerom i predračunom radova je sastavni dio ovog Ugovora.

Član 2.

Naručilac radova naručuje, a Izvršilac se obavezuje da će za potrebe Naručioca izvršiti radove iz člana 1. ovog Ugovora prema jediničnim cijenama i karakteristikama iz Ponude i broj: 197/23 od 19.09.2023. godine, koja je sastavni dio ovog Ugovora.

II VRIJEDNOST RADOVA (CIJENA)

Član 3.

Ukupna vrijednost radova iz člana 1. Ovog Ugovora:

VRIJEDNOST UGOVORA bez PDV-a : 5.951,00KM
(Slovima: pethiljadadevetstotinašezdesetjedna)

PDV 17%: 1.011,67 KM
(Slovima: jednahiljadajednaest 67/100)

UKUPNA VRIJEDNOST UGOVORA sa PDV-om: 6.962,67 KM
(Slovima: šesthiljadadevetstotinašezdesetdva 67/100)

III NAČIN PLAĆANJA

Član 4.

Naručilac se obavezuje da će u roku od 30 dana od dana ispostavljanje fakture i ovjerenog Zapisnika ili radnog naloga o izvršenim radovima (obostrano potpisanog) izvršiti plaćanje za izvršene radove koji su predmet ovog Ugovora.

Svu pripadajuću dokumentaciju Izvršilac je dužan dostaviti Naručiocu, te ukoliko je ne dostavi u ugovorenom roku Naručilac ne odgovara za kašnjenje u plaćanju.

IV ODREDBE O ROKU IZVOĐENJA RADOVA

Član 5.

Rok izvršenja radova je petnaest (15) dana od dana uvođenja u radove.

Danom dovršavanja ugovornih radova smatra se dan uspješno obavljene primopredaje radova. Ako se primopredaja ne može obaviti u zakazanom roku iz razloga za koje Izvršilac nije odgovoran, dan dovršenja ugovorenih radova smatra se zajednički planiran datum primopredaje. Primopredaja se smata uspješno obavljenom ako u Zapisniku nema uslovnih primjedbi na ugovorom predviđene radove.

Član 6.

Izvršilac se obavezuje da će sve radove koji su predmet ovog Ugovora obaviti stručno i kvalitetno i u skladu sa normativima i pravilima koji važe za ovu vrstu radova, kao i drugim obavezama iz ovog Ugovora.

Izvršilac se obavezuje da će primjenjivati mjere zaštite na radu radi bezbjednog izvršenja posla.

Član 7.

Izvršilac će sve radove, sugestije i zapažanja evidentirati u radni nalog koji će potpisati Izvršilac i Naručilac. Tako verifikovan radni nalog će predstavljati dokumentovanu osnovu za fakturisanje.

V STRUČNI NADZOR NARUČIOCA

Član 8.

Nadzorni organ je ovlašćen da se stara i kontroliše: da li Izvršilac izvodi radove prema ponudi, provjeru kvaliteta izvođenja radova, primjenu propisa, standarda tehničkih normativa i kvaliteta, kontrolu kvaliteta materijala koji se ugrađuju, da kontroliše dinamiku napredovanja radova i ugovorenog roka završetka, kao i da vrši druge poslove koji proizilaze iz važećih propisa i spadaju u nadležnost i funkciju nadzora.

Eventualni propusti Nadzornog organa u vršenju stručnog nadzora ne oslobađaju Izvođača od njegove obaveze i odgovornosti za kvalitetno i pravilno izvođenje radova.

VI POSEBNE ODREDBE

Član 9.

Ovaj Ugovor stupa na snagu danom potpisivanja od strane ovlaštenih lica ugovornih strana. Ovaj Ugovor se zaključuje na period do završetka radova, a najduže do 30.10.2023. godine, i isti se može otkazati pismenim putem u roku od 10 dana od dana podnošenja pismenog zahtjeva za raskid Ugovora.

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 12.

Sve izmjene ovog Ugovora mogu se vršiti isključivo i samo uz pismenu saglasnost ugovorenih strana.

Član 13.

Ovaj Ugovor sačinjen je u četiri (6) istovjetnih primjeraka od kojih svi potpisnici zadržavaju po dva (2) primjeraka.

ZA IZVOĐAČA
„BAHEN-GRADNJA“ d.o.o. Sarajevo


Bujak Semir, direktor



Broj: _____
Datum: 21.09.2023. godine

ZA NARUČIOCA
JU SREDNJA EKONOMSKA ŠKOLA,
SARAJEVO

Kadrispahić Amira, direktorica



Broj: 06-2-2219/23
Datum: 21.09.2023. godine